

第二章 庫爾勒、輪台

(一) 庫爾勒至輪台途中遺址之探查

庫爾勒在庫魯克山之南，爲進入塔里木盆地之橋頭。現設置專區，統且末、塔羌、尉犁、輪台等地。漢代爲尉犁國南境。西南與渠犂，西與烏壘、輪台相接。輪台、渠犂常有田卒屯墾，而烏壘爲西域都護所在地，故在西漢一代，庫爾勒專區常爲政治及經濟中心地。至東漢明帝時，西域都護移設龜茲，烏壘、輪台遂屬龜茲。魏、晉時，尉犁亦併于焉耆，自此後，庫爾勒遂爲焉耆、龜茲交界地點，僅爲東西往來通塗。唐玄奘由焉耆至龜茲，稱：「踰一小山，越二大河，西得平川，步行七百里乃至」(《大唐西域記卷一》)。小山即庫魯克山，二大河疑即孔雀河與克子爾河，是玄奘所行之路，與現在由焉耆至庫車之大道一致。云：「西得平川，步行七百里乃至」，其區域荒涼，無甚多居民可知。新唐書地理志內屬諸胡州府，有烏壘、渠犂，如此二州府即漢時烏壘、渠犂地，則在中唐時又漸趨於繁榮，但至宋、元以後，仍淪於沙漠。其遺址何在，尙待吾人今後之探查與發現也。

我之赴庫爾勒，是由四十里城市前往。旁博斯騰淖爾西岸大道行，三十里至紫泥泉子，本地稱爲效爾楚克。霍拉山支脈東南行至此，與庫魯克山相接，形成一狹口。孔雀河水由博斯騰淖爾溢出後西流，入狹口轉西南流，穿行溝中，即有名之哈滿溝也。此地出煤出鐵，故古有「鐵關谷」之名，又稱爲「遮留谷」，焉耆王龍熙伏擊晉張植于遮留谷即此。兩岸岩石壁立，中顯通衢，河水流貫其間，清波蕩漾，碧草彌綠。吾等沿河岸西偏南行，三十里出山口，轉西南行約十里即至庫爾勒。

庫爾勒有舊城三：一爲玉子干舊城，在回城南三里，城牆已頽，祇餘牆基，周約一〇二〇米。中有土墩，本地人在此掘土，曾出一石碾，方形，長一·一一米，圍〇·九六米，兩端有孔，確爲田戶用具。城中陶片均作粉紅色，類唐代遺物。又在城東北，踏查羊達克沁舊城。城在回城東北約六里，周約三百三十米。陶片作青灰色，無花紋，疑近代之物。在玉子干南有一大城，名狹爾亂旦。城周一〇八〇米。中有土墩，墩爲土坯所砌。城中積水淖泥，無一遺物，間有少數青灰陶片，與羊達克沁同。余初疑庫爾勒爲古尉犁國地，新疆曾在庫爾勒南設尉犁縣，今檢視遺址，考之歷史，乃知非是。自庫爾勒以西，有遺址數處，約在大道旁，今依次述之。

1. 庫爾楚 庫爾楚亦名查爾赤，舊有查爾赤河故名。八月一日，由庫爾勒西行，經上戶地羊達胡都克，二日抵庫爾楚。地